

# Salamo

## POPOLEGA A

### Ou te le mautinoa pe aoga le salamo.

- O a mau ma mataupu faavae mai le Mosaea 26, po o isi mau, e mafai ona e faasoa atu e ono fesoasoani i lenei atugaluga?

Manatua na faia e Alema lava ia ni agasala matuia i le amataga o lona olaga ma sa salamo ma maua le faamagaloga e ala i le Faaola o Iesu Keriso (tagai Mosaea 11:5–7; 18:1–3; 26:15, 20).

- O le a sou manatu i se mea e ono faasoa atu e Alema i se tasi o i ai lenei atugaluga?

Mafaufau loloto i mea na e oo i ai po o i latou e te iloa ina ua e liliu atu i le Faaola o Iesu Keriso e ala i le salamo.

## POPOLEGA E

### Aisea e tatau ai ona ou ta'uta'u atu a'u agasala? Aisea e manaomia ona ta'uta'u atu nisi o agasala i se taitai perisitua?

Na ta'u atu e le Alii ia Alema o i latou o e na agasala o le a manaomia ona “ta'uta'u atu ana agasala i ou luma [Alema, lo latou taitai perisitua] ma a'u [o le Alii]” (Mosaea 26:29).

- Talu ai ua uma ona silafia e le Alii a tatou agasala, aisea e taua ai lo tatou ta'uta'u atu o na agasala ia te Ia? O le a faapefea ona faamanuiaina ai o tatou olaga?

Faitau faamatalaga nei mai le tamaitusi o le *Mo le Malosi o le Autalavou* ma Elder C. Scott Grow, Pulega o le Fitugafulu ua faamalolo manumalo, ma vaavaai mo ni malamalamaaga e uiga i le taimi ma pe aisea e tatau ai ona tatou ta'uta'u atu i se epikopo po o se peresitene o le paranesi.



Ua agavaa le epikopo i faaaliga mai le Agaga Paia e faatatau i tagata o lana uarota, e aofia ai oe. . . . “E mafai ona fesoasoani le epikopo ia te oe i le faagasologa o le salamo i

auaala e le mafai e ou matua po o isi taitai ona tuuina atu ai. . . .

[Afaai tatou te le ta'uta'u atu, ua tatou] tauaveina le amoina o le agasala e na o i tatou lava, nai lo le tuuina atu i le Faaola e aveesea le avega. (C. Scott Grow, “Aisea ae O a foi Mea e Tatau ona Ta'uta'u Atu i Lo'u Epikopo?” *New Era*, Oke. 2013, 28–29)

- E mafai faapefea ona fesoasoani lenei faamatalaga i se tasi e i ai ni atugaluga e uiga i le ta'uta'u atu i lo latou taitai perisitua?

## POPOLEGA I

### Ua tele a'u agasala mo le faamagaloga a le Alii ia te au.

- E mafai faapefea e afioga a le Alii i le Mosaea 26:29–30 ona fesoasoani i lenei atugaluga? (E mafai foi ona e mafaufau e suesue le 1 Timoteo 1:15; 1 Ioane 1:9; po o le Mataupu Faavae ma Feagaiga 18:10–12; 58:42–43.)
- O a tala faatusi paia e uiga i le Faaola ua faapupula mai ai Ona lagona e uiga ia i latou o e taumafai e salamo ma Lona naunau e faamagalogo?

## POPOLEGA D

### O lau filifliga

Mafaufau i se isi atugaluga moni po o se fesili atonu o i ai i se tasi e uiga i le salamo. Suesue le “Salamo” po o le “Ta'uta'u Atu” i le Taiala i Tusitusiga Paia (scriptures. ChurchofJesusChrist.org), vaavaai mo upumoni e mafai ona fesoasoani. E mafai foi ona e iloilo ina mau e faatatau i le “Salamo” po o le “Tautau Atu” i le Taiala o Autu (ChurchofJesusChrist.org). E ono fesoasoani foi le suesue o le “salamo” i le tamaitusi o le *Mo le Malosi o le Autalavou* ma mafaufau loloto ai i mea ua e iloa e uiga i le Alii e ono fesoasoani.